

ERREMONTA. Laugarren garaipena dutenez, ezusteko handirik ezean, finalerdietan daude

Berdinketa apurtu eta lehen postuan jarri dira Altuna I.a-Eizagirre

Azken unean eman zioten buelta partidari, Jon Eizagirrek sakez lortutako tantoei esker

ALTUNA I.a-EIZAGIRRE 40
ALTUNA II.a-ETXABE 37

Iraupena: 75 minutu.

Seketik: Jon Eizagirrek zazpi eta bi falta. Jokin Etxabek hiru eta falta bat.

Taldea: 3-0, 4-1, 4-6, 5-8, 6-10, 8-11, 9-15, 12-16, 16-17, 17-23, 20-26, 21-28, 23-29, 24-31, 28-31, 28-32, 32-32, 32-34, 33-35, 36-35, 37-37 eta 40-37.

Bestelakoak: Ehun bat lagun bildu ziren Uharteko Euskal Jai Berri pilotalekuan. 80-100ni irten zen dirua Altuna II.a-Etxaberen alde.

E. Telleria | **DONOSTIA**

Bi partida gelditzen zaizkie Binakako Erremonte Txapelketa-ko bigarren itzulia bukatzeko, sei partidatik lau irabazi dituzte orain arte, bost bikote ari dira parte hartzen eta aurreneko laurak sailkatzen dira finalerdietarako. Gelditzen zaizkien bi partida horietan barregarri aritu eta lehen postuan lau bikote berdinduta gelditu ezean, Altuna I.a-Eizagirre izango dira aurtengo txapelketako finalerdietara sailkatzen lehenak.

Partida gogorra, orekatua eta luzea jokatu zuten atzo Uharteko Euskal Jai Berrin. Irabazleak baino hobeto hasieratik kontrarioak. Jokin Etxabe oso sendo



REMONTA 2000
Jokin Etxabe eta Jon Eizagirre atzelariak, atzo, Uharteko Euskal Jai Berrin.

atzean, eta Garikoitz Altuna inspiratuta erabat aurrean. Imanol anaiaren jakituriak eta defentsako lanak eragotzi zien markagailuan tarte handiagoak egitea. Zazpi tantokoa gehienera jota (21-28 eta 24-31).

Hortik aurrera hartu zuen atzokoak oso bestelako itxura. Eizagirrek beste abiadura bat ezarri zion partidari, estuago hartu zuen Etxabe atzeko koa droetan eta oraindik gogorragoa bihurtu zen aurrean bi

anaien arteko lehia. Partidari buelta eman eta 32nakoa lortu zuten Altuna I.a-Eizagirrek. Hobeto neurtu zituen indarrak Zarauzko atzelariak, eta, batik bat, sakearekin egin zuen min handia. Partida osoan zehar zazpi tanto lortu zituen orotara, baina horietatik lau azken hamar tantoetan lortutakoak izan ziren. 37nakoa arte eutsi zioten Altuna II.a-Etxabek, baina azken hiru tantoak kontrarioentzat izan ziren.

Txapelketako hurrengo partidak larunbatean dira. Euskal- en, Zeberio II.a-Aizpuru eta Iñigo-Lizaso. Galarretan, Ezkurra-Urko eta Altuna-Eizagirre.

SAILKAPENA

BIKOTEAK	Jo	Ir	Gal	TA	TK	Pt
1. Altuna I.a-Eizagirre	6	4	2	216	199	4
2. Altuna II.a-Etxabe	6	3	3	228	180	3
3. Iñigo-Lizaso	5	3	2	181	181	3
4. Ezkurra-Urko	6	3	3	198	221	3
5. Zeberio-Aizpuru	5	1	4	160	198	1

ESKU-HUSKA. Pascualek atzo egin zuen azken proba, ongi dago, eta bera ariko da Otxandorenaren orde

Ruben Beloki izan da bigarren jardunaldiko pilotari onena Euskadi Irratia Sarian

E. Telleria | **DONOSTIA**

EPELen Eskuz Binakako Txapelketa hirugarren jardunaldiari begira jarri da jada, baina bigarrenak eman dituenaren emaitzak bueltak dabilta oraindik. Pilota jarraitzen duten 17 komunikabideetako kazetarien bozekin osatzen du Euskadi Irratiak bere saria, eta Ruben Beloki izan da bigarren jardunaldiko pilotari onena, 50 puntuekin. Abel Barriola (48) eta Oscar Lasa (43) sailkatu dira haren atzetik. Hiru atzelari, beraz, lehen hiru postuetan. Sailkapen orokorrean nabarmentzekoa da orain arteko bi bikote

sendoenak daudela lehen lau postuetan (Agirre-Barriola eta Xala-Lasa III.a), eta aurreneko biak berdinduta daudela lehen postuan.

Hirugarren jardunaldiari begira Asegarcek berreskuratu ditu min hartuta zeuzkan bi atzelariak: Jokin Errasti eta Iñigo Pascual. Eskuin eskuko kailoa itxi zaio azkoitiarrari eta larunbatean arazorik gabe aritzeko moduan izango da Iscarren (Valladolid) —Beginoren lan txukunari esker bizirik jarraitzen dute txapelketan Esain-Errastik—. Iñigo Pascualek, aldiz, azken proba egin zuen atzo goizean Gasteizko Ogeta fron-

SAILKAPENAK

BIGARREN JARDUNALDIA

1. Ruben Beloki	50 puntu
2. Abel Barriola	48 pt.
3. Oscar Lasa	43 pt.
4. Ives Salaberri 'Xala'	42 pt.
5. Iñaki Esain	38 pt

OROKORRA

1. Imanol Agirre	85 puntu
2. Abel Barriola	85 pt.
3. Oscar Lasa	81 pt.
4. Ives Salaberri 'Xala'	76 pt.
5. Kepa Peñagarikano	60 pt.

toian. Entrenamenduz urri samar, baina jokatzeko moduan dagoela onartu zuen bertan Abarzuzako atzelariak. Iscarren bertan jokatu du hark ere, Olaizola II.arenekin, Esain eta Errastiren kontra. Aurtengo txapelketako hirugarren orde

kapena izango da: Apeztegia aritu zen Zezeagaren orde, eta Begino Errastiren orde.

Pilota aukeraketak Urdulizen (11:30) eta Iruñean (16:30)

Gaur egingo dira hirugarren jardunaldiko aurreneko bi pilota aukeraketak. Urdulizen (Bizkaia), Agirre-Barriola eta Berasaluze VIII.a-Beloki arituko dira (11:30). Jardunaldiko partidarik interesgarrienetako bat da. Bi bizkaitar ari dira aurtengo txapelketan eta elkarren kontra jokatu dute ostiralean. Egune-ko beste pilota aukeraketa Iruñeko Labritekoa da. Olaizola I.a-Ruiz txapelkunordeak eta Goñi II.a-Elkoro arituko dira bertan (16:00). Garaipena behar dute bi bikoteek larunbatean. (Mikel Goñi da Euskadi Irratia Sarian oraindik puntu bat ere lortu ez duen pilotari bakarra).

ZESTA-PUNTA

Urrezko Xistera Torneoko finala larunbatean jokatu da

Goixerri-Felix eta Konpa-Barrondok jokatu dute heldu den larunbatean, Bilboko Deportivo frontoian, Urrezko Xistera Torneoaren finala. Joan den abenduan jokatu ziren aipatu torneoko finalerdia, eta geldirik egon da geroztik. Goixerri-Felixek Alberdi II.a-Goitia hartu zituzten mendean finalerdietan, eta Alberdi I.a-Iriondo kanporatu zituzten Konpa-Barrondok. Orlandon (AEB), bestalde, Santi-Elizegi bikoa nagusitu da Citrus Torneoan, Bereikua-Victor mendean hartuta.

JAIALDIAK

ATZOKO EMAITZAK EUSKAL.

Larrea-Gaztelu 28; Iturralde-Amenabar 40. *Binakako Txapelketa:* Altuna I.a-Eizagirre 40; Altuna II.a-Etxabe 37. Bitoria-Auzmendi 40; Urretabizkaia I.a-A. Lekunberri 38. Zeberio I.a-Etxeberria II.a 21; Matxin III.a-Aizpuru 30.

BIHARKO PARTIDAK GALARRETA. 16:00.

Larrea-Gaztelu / Uterga-Reklusa. Ezkurra-Aizpuru / Zeberio II.a-Lizaso. Altuna I.a-Aizpuru II.a / Bereziartua-Etxabe. Sarasua-Mendizabal / Iribarren-Badiola.

DEPORTIVO. 17:00.

Ziskar II.a-Ziskar I.a / Urkijo-Imanol. Urkia-Juan Pablo / Iriondo-Rekalde. Unda I.a-Torre / Gaubeka-Garrido.

OSTIRALEKO PARTIDAK

URDULIZ. 22:00 (ETB1, 22:30).

Leiza-Albizuri / Azpiroz-Nalda III.a. *Eskuz Binakako Nagusia:*

Agirre-Barriola / Berasaluze VIII.a-Beloki.

CINTRUENIGO. 18:00.

Etxaniz II.a-Erandonea III.a / Mikel-Galarza IV.a. Otaegi-Taberna Garrido V.a-Almandoz.

LARUNBATEKO PARTIDAK ISCAR (Valladolid).

16:30 (Tele 5, 17:30).

2. *Mailako Eskuz Binakakoa:* Gonzalez-Laskurain / Beloki II.a-Pinedo. *Eskuz Binakako Nagusia:*

Olaizola II.a-Pascual / Esain-Errasti.

IRUÑEA. 17:00.

2. *Mailako Eskuz Binakakoa:* Arbizu-Galarza VI.a / Saralegi-Begino. *Eskuz Binakako Nagusia:* Olaizola I.a-Ruiz / Goñi II.a-Elkoro. Koka-Bengoetxea V.a / Tirapu-Medina.

DEPORTIVO. 16:00.

Navarro-Garma / Basabe-Larrinaga. *Urrezko Xistera Torneoko finala:* Goixerri-Felix / Konpa-Barrondo. Daniel-Juan Pablo / Urkia-Garrido. Iriondo-Aierbe / Urkijo-Galan.